



NASLOVNICA » VIJESTI » KULTURA | OBJAVLJENO: 02.10.2012. 13:48 | AUTOR: E. T.



f Like

0

IZLOŽBA ZORANA LEŠIĆA U "JAVI"

Autoportreti za izmišljene predstave



Lešić s Damirom Nikšićem

FOTO: ARHIVA

U galeriji "Java" u Sarajevu postavljena je originalna izložba autoportreta prikazanih kroz plakate za izmišljene predstave čiji je autor Zoran Lešić. Fotograf, glumac i dizajner trenutno živi u Hagu, gdje radi kao službeni fotograf na Međunarodnom sudu za ratne zločine. Izložba je otvorena u okviru programa "Off MESS" 52. međunarodnog teatarskog festivala MESS.

- Kroz ovu izložbu iskazujem svoju ljubav prema umjetnosti spajajući sebe fotografa i sebe glumca. Plakati koji su postavljeni odraz su jednog intimnog shvatanja umjetnosti. Također, želim reći da je izložba moj vlastiti bunt zbog nemara prema kulturnim ustanovama - kaže umjetnik.

Za jedan od izloženih radova autoru je kao inspiracija poslužio i roman velikana bh. književnosti Meše Selimovića "Derviš i smrt". Ovim plakatom, kako kaže Lešić, želio je ukazati na osnovne probleme u bh. društvu kao što su podijeljenost, despotizam, pritisci na "malog" čovjeka.